



KEMENTERIAN PERTANIAN DAN KETERJAMINAN MAKANAN
Ministry of Agriculture and Food Security

Wisma Tani
No 28, Persiaran Perdana, Presint 4
Pusat Pentadbiran Kerajaan Persekutuan
62624 PUTRAJAYA,
MALAYSIA

No. Telefon : 03-8000 8000
No. Faks : 03-8888 6020
Laman Web : www.kpk.gov.my

SIARAN MEDIA

TAMAN BOTANI NEGARA SHAH ALAM MENJADI TUMPUAN DELEGASI AMAF 2023

SHAH ALAM, 5 OKTOBER 2023 – YB Datuk Seri Haji Mohamad bin Sabu, Menteri Pertanian dan Keterjaminan Makanan (KPKM) bersama-sama delegasi negara-negara ASEAN yang menghadiri Mesyuarat Menteri-Menteri ASEAN Mengenai Pertanian dan Perhutanan (AMAF) ke-45 mengadakan lawatan ke Taman Botani Negara Shah Alam (TBNSA) hari ini. Lawatan ini turut disertai oleh delegasi Jepun dan Republik Korea sebagai ahli ASEAN Campur 3 serta Timor-Leste sebagai negara pemerhati ASEAN.

Para delegasi telah dibawa ke TBNSA untuk sesi lawatan di lapangan. TBNSA pada asalnya dikenali sebagai Taman Pertanian Malaysia telah mula dibangunkan semenjak tahun 1986. Taman ini terletak di dalam kawasan Hutan Simpan Kekal Bukit Cherakah dan telah diwartakan bagi tujuan persekutuan dan kini kira-kira 200 hektar telah dibangunkan bagi tujuan konservasi, penyelidikan, pendidikan, eksplorasi dan agropelancongan dikendalikan pihak TBNSA, di bawah KPKM.

Ketibaan para tetamu ASEAN dan delegasi telah disambut oleh Menteri Pertanian dan Keterjaminan Makanan bersama Pengurusan Tertinggi KPKM. Rombongan ini kemudiannya telah dibawa untuk menyaksikan demonstrasi di Laman Padi bagi penggunaan traktor pembajak, *transplanter* dan dron oleh pihak Lembaga Pertubuhan Peladang (LPP) dan Institut Penyelidikan dan Kemajuan Pertanian Malaysia (MARDI). Seterusnya, para delegasi turut melepaskan 10,000 ekor anak ikan lampam sungai dan ikan terbul di Kolam Nusantara yang dikendalikan oleh pihak Jabatan Perikanan Malaysia (DOF). Program kemudiannya disusuli dengan aktiviti penanaman 14 Pokok Tongkat Ali mewakili setiap negara delegasi dalam Program Penanaman Pokok Herba di Taman Malaysia yang dikendalikan oleh pihak Jabatan Pertanian Malaysia (DOA).

Mengakhiri lawatan tersebut rombongan telah dibawa ke lokasi Rumah Budaya bagi menikmati pemandangan keseluruhan TBNSA secara lebih dekat.

KEMENTERIAN PERTANIAN DAN KETERJAMINAN MAKANAN
5 OKTOBER 2023